

DBKL kompaun kontraktor culas

KUALA LUMPUR - Melakukan kerja pembaikan melebihi waktu ditetapkan, tidak meletakkan papan tanda isyarat lalu lintas serta menutup jalan tanpa kebenaran antara kesalahan dikesan dilakukan kontraktor ketika melakukan kerja pembaikan jalan raya.

Menurut Dewan Bandaraya Kuala Lumpur (DBKL), pihaknya sentiasa memantau kerja pembaikan jalan di sekitar ibu negara seperti di Jalan Sungai Besi, Jalan Kuchai Lama, Jalan Syed Putra, Jalan Cheras, Jalan Raja Abdullah, Jalan Genting Kelang dan Jalan Kilang.

"DBKL turut mengesan beberapa kesalahan dan pelanggaran prosedur ope-

rasi standard (SOP) dilakukan kontraktor dilantik.

"Selain itu, ada di antaranya melonggokkan sisa di jalan dan tidak mengutamakan kebersihan serta keselamatan," katanya menerusi perkongsian di Facebook pada Ahad.

Katanya, sebanyak 10 Notis Kesalahan Am dikeluarkan mengikut Akta Jalan Parit Dan Bangunan 1974, Akta Kerajaan Tempatan 1976 dan Undang-undang Kecil Pengangkutan Bahan (WPKL) 1997.

"DBKL akan terus melakukan pemantauan dan penguatkuasaan dari semasa ke semasa," katanya.